

枝江縣志卷之七

賦役志下

物產

稻邑董灘出者佳職方氏其穀宜稻枝屬焉

麥山洲田宜水田有春麥秋稻者蕎多於春秋閒田種之

黍稷菽粟蜀黍芝麻為民間雜糧炊飯釀酒榨油日用必需產山洲者多

以上穀屬

枝江縣志

卷之七

賦役志下

百合山中野生花多者實大

蘿蔔邑洲田多種之

芋水陸並種莖葉俱有用最便於民

諸蔓生結實土中生熟皆可食山人以之代穀歉歲活人甚夥

油菜子可榨油

青菜白菜子亦有榨油者

花辣菜羣芳譜芥一名辣菜有花芥疑即花辣菜東坡詩云細履幽畦撿芳辣當咏此

笋南竹爲佳

芹有水陸兩種

藕農人於水田陂塘栽之

花椒木本又有草本俗呼爲廣椒邑人園圃種之

菌生山林中四時皆有之生於冬者曰冬菌味尤美

菠菜 苘蒿 養菜 苦菜 甜菜 莧菜 茄 馬

齒莧 山藥 蒿苳 芫荽 黃花菜卽金針 豇豆

刀豆 蛾眉豆 四季豆 薺 藜 葱 蒜 韭

薤

枝江縣志 卷之七 賦役志下

以上蔬屬

笋瓜邑舊無此種近多種之

西瓜邑洲沙田有種者

越瓜卽筍瓜

王瓜 南瓜 冬瓜 絲瓜 苦瓜 金瓜 葫蘆

瓠

以上蔬屬

柑邑之園田多種此述異記載董元素事曰江陵府枝

江縣柑卽此 見雜志

柿大者甘而澀小者爲棹柿其油可造傘扇諸物

枇杷 香櫞 枳椇 山楂 櫻桃 橘 柚 銀杏

葡萄 木瓜 桃 李 梅 杏 棗 梨 栗

甘蔗

蒟蒻 蓮子 菱 三物水生

以上菓屬

實心竹產邑西南實竹衝

南竹種來自湘南邑西南清泉寺盛

筠竹堅實可爲器民便之

枝江縣志 賦役志下

紫竹 笙竹 叢竹 鳳尾竹

以上竹屬

桑蠶家或植牆下亦有爲桑田者

柘葉亦飼蠶

烏柏山居者植之以榨油焉近作皮油其子爲子油

桐一種子可榨油

茶山中近有植者

松 柏 槐 柳 楊 椿 楓 檀 杉 樟 冬

青 黃楊 蠟樹

以上木屬

蓮有錦邊臺閣各種又邑城隍廟池中及福傳山塘俱

產並頭蓮開則兆科目見雜志

蕙邑西山中多又名山蘭

牡丹 芍藥 桂 梅 菊 紫荊 桃 杏 李

梨 榴 紫薇 薔薇 繡毬 玫瑰 木槿 萱

梔子 海棠 迎春 月季 木香 雞冠 芭蕉

玉簪 秋葵 水仙 鳳仙 辛夷 秋海棠 美人

蕉 木芙蓉 玉蘭 錦屏松 鴈來紅 夾竹桃

枝江縣志 賦役志下

夜落金錢

以上花屬

茅鄉居用以覆屋

蘋 藻 萍 蒿 艾 蒲 蘆 荻 蓼 鳳尾

虎耳 煙草 旱蓮草 翠雲草 萬年青 吉祥草

以上草屬

按周官柞氏薙氏掌攻草及殺草若欲其化則以水
火變之又草人掌土化之灋以物地邑人多於布種
之先以草之青者漚田此水化意也亦有以腐草壓

土燒之此火化意節土化意也草之用類如此
何首烏邑多產此

蕤參一名玉竹

半夏邑洲地產

黃精俗名黃薑荒年掘食之

柴胡 茵陳 益母 粉葛 紫蘇 薄荷 枳殼

天丁 菖蒲 香附 天南星 桑白皮 女貞子

穀精草 車前子 蒼耳子 五加皮 金櫻子 夏

枯草 蒲公英 大戟 茯苓 瓜篋根 金銀花

枝江縣志 卷之七 賦役志下

五

以上藥屬

布穀耕時鳴田家以占晴雨

百舌 竹雞 山雞 野雞 翠鳥 麥雞 啄木

子規 凍雀 畫眉 烏鴉 鸚鵡 白頭翁 鴿

鷗 鷓 鷺 燕 鷹 雀 鶯 鵲 鳧 雞 鵝

鴨

以上羽屬

虎山中荒歲則有之

豹邑西南山中有捕獲者

羸自深山出近頗爲害

騾 馬 驢 牛 羊 豕 野豬 狐 兔 獺

狸 獾 貓 鼠 貂 鼬

以上毛屬

鮑舊志以爲肥鮑

按鮑鯊魚也志誤

鮑於迴流中取之或指爲鮑

按字典鮑字註不載鮑字蘇東坡有戲作鮑魚詩粉

紅石首仍無骨雪白河鮑不藥人寄語天公與河伯

枝江縣志

卷之七

賦役志下

六

何妨乞與水精鱗又劉貢父詩鮑魚新出網又陸放

翁春日詩和風庭院晒新絲又見鮑魚上市時今縣

治一帶出者味極鮮美他處皆弗及也故誌之

鮑一名玉板魚俗呼爲黃魚小者近百觔大者或數百

觔千餘觔致之用鉅鈎一鈎着全鈎皆着船隨之遊

歷數日力憊取之

鱖鮓也大者亦至千餘觔取法與鮑同

丁公魚形似鱖而圓二三月間邑南洲渚瀕江出

鯉 鯽 鮓 鱖 鱧 鱧 鮠 鱈 青魚

白魚 鱒 鱖 金魚 江豚

以上鱗屬

龜 蟹 鼈 蚌 蝸 蠃

以上介屬

蠶麥熟時作繭邑洲地養此者多

鼃俗謂青蛙農人以其聲卜水旱焉

按山農水耕漬以石灰以防蟻穴壞疆界亦藷灰去
鼃黽遺意也

蟋蟀爾風入咏占候戒寒於是乎屬鬪勝為戲至後世

枝江縣志 卷之七 賦役志下

七

始盛

蟾蜍 蝦蟆 蝸牛 蜘蛛 蜻蜓 蟻 蠅 蚊

螳螂 蜈蚣 蝙蝠 蝶 蝌蚪 蟋蟀 蟬 蚯蚓

螭子 水蛭 螢 螻蛄 蛇

以上蟲屬

絲邑無織者作綿細者有之

棉布書禹貢島夷卉服厥篚織貝集傳卉草也葛越木

綿之屬李時珍曰種出南番宋始入江南不蠶而綿

不麻而布利被天下其益大哉邑產棉洲地尤佳年

豐畝地以百觔計居民於農畢時紡織兼營無業產
家更藉此爲活計夜半機聲與紡車軋軋相聞有竟
夜不眠者其功勤其利亦倍賈人多於董市江口買
花入川呼爲楚棉布亦如之

酒邑南渚洲出者佳

油有麻油菜油棉油桐油木油等名

麻 紙 蜜 葛粉 蕨粉 木炭 石灰 七物亦邑特產

金隱泥沙中近江居人以箕淘之有竟日不獲一星者
時或有贏餘後必累日無一獲非恒業也亦非特產

稜江縣志

卷之七 賦役志下

八

舊志載之附存

以上貨屬

按五地物生各有所宜毛 阜鱗膏等物皆山林川澤
諸地所產也邑之物產諸多從同而其間有特異者
或經前人品題抑或尙未摘出故序次有先後考據
有詳畧

兵防

周

文獻通考楚自若敖蚡冒篳路藍縷以啓山林武王始

為軍政作荆尸以伐隨授師子以立陳法注莊四年楚武王荆尸授師子焉以伐隨案宣十二年隨武子論楚之兵曰荆尸而舉杜預曰荆楚也尸陳也楚武王始更為此陳法遂以為名子鎗屬亦楚陳所利大抵陳中有利於長兵者有利於短兵者弓矢利遠是長兵子是短兵蓋楚參用子為陳

明

枝江千戶一員正千戶二員副千戶七員百戶十員鎮撫一員守禦所吏目一員守禦弁軍千一百二十名
明史兵制千一百屯田四百五十九頃六十二畝四十二人為千戶所
釐七毫糧五千一百六十四石九斗二升四合八勺

枝江縣志

卷之七

賦役志下

九

國朝

枝江設守城把總一員汎兵三十名巡江千總一員汎兵四十名洋溪塘汎兵五名和陽店塘汎兵七名羊角洲塘汎兵五名馮口塘汎兵五名流店尾塘汎兵五名鶴子口塘汎兵五名江口塘汎兵五名董市塘汎兵五名

驛遞

流店驛在上百里洲今裁

縣前舖在正東門外

石鼓舖在縣東七里

火嶺舖在縣東三十里

暢師文字純甫南陽人至元三十一年以陝西漢中道肅政廉訪使徙山南道松滋枝江有水患歲役夫防水往返數百里民苦供給師文以江水方安流悉罷其役節錄元史本傳

明萬曆二十六年流店驛歸併江陵松滋移置澧市鎮更名三縣驛尋歸枝江康熙五年裁所有驛站錢糧解赴驛道彈收支發有驛處所由是枝江不應付夫

枝江縣志

卷之七

賦役志下

十

馬康熙五十九年松滋因解川餉援枝江承其役前令任直輒應之越雍正二年陸續解鞘六次官民頗受其累前令陳惠榮詳准各憲嗣後運解餉鞘着松滋徑送宜都無庸波及枝江照奏銷驛站冊為准其枝邑仍令添差護送一永為定例節錄王志

兵燹附

周

左傳莊公十八年楚文王與巴人伐申而驚其師巴人叛楚而伐那處取之遂門於楚閭敖游涌而逸楚子

殺之其族爲亂冬巴人因之以伐楚十九年春楚子
禦之大敗於津津見古蹟

後漢

建武四年通鑑作五年岑彭擊田戎大破之遂拔夷陵追至

秭歸戎亡入蜀彭以將伐蜀漢而夾川谷卽穀少水

險難潛自引兵還屯津鄉當荊州要會喻告諸蠻夷

降者奏封其君長六年彭詣京師復南還津鄉八年

彭引兵從車駕破天水與吳漢圍隗囂於西城時公

孫述將李育將兵救囂帝畱蓋延耿弇圍之而車駕

枝江縣志 卷之七 賦役志下 十一

東歸彭壅谷水灌西城城未沒丈餘囂將行巡周宗

將蜀救兵到囂得出還冀漢軍食盡燒輜重引兵下

隴延弇亦相隨而退囂出兵尾擊諸營彭殿爲後拒

故諸將能全師東歸彭還津鄉節錄後漢書岑彭傳建武十一

年岑彭屯津鄉數攻田戎等不克帝遣吳漢率誅虜

將軍劉隆等三將發荊州兵凡六萬餘人騎五千匹

與彭會荆門節錄通鑑

魏

潘璋傳魏將夏侯尚等圍南郡分前部三萬人作浮橋

渡百里洲上諸葛瑾楊粲并會兵赴救不知所出而
魏兵日渡不絕璋曰魏勢始盛江水又淺未可與戰
便將所領到魏上流五十里伐葦數百萬束縛作大
筏欲順流放火燒敗浮橋作筏適畢伺水長當下尙
便引退

吳書

晉

元興三年桓元挾帝至江陵甲寅元復帥諸軍挾帝東
下五月癸酉與劉毅何無忌劉道規軍遇大敗於岬
嶸洲單舸西走將之漢中屯騎校尉毛修之誘元使

枝江縣志

卷之七

賦役志下

三

入蜀甯州刺史毛璠卒於官塚

時毛塚爲益州太守

使其兄孫

祐之及參軍費恬帥數百人送璠喪歸江陵壬午遇

元於枚迴洲祐之恬迎擊元益州督護馮遷斬之時

桓謙匿於沮中桓振匿於華容浦振聚黨得二百人

襲江陵桓謙亦聚衆應之閏月己丑復陷江陵何無

忌劉道規進攻桓謙於馬頭

馬頭今荊州水師營處也

桓蔚於龍

泉皆破之無忌乘勝直趨江陵振逆戰於靈溪無忌

大敗退還潯陽柳約之羅述甄季之聞桓元死自白

帝進軍至枝江聞無忌等敗亦引兵退義熙六年譙

縱以桓謙爲荊州刺史率衆二萬寇荊州屯枝江道
規帥諸軍攻謙戰於枝江謙等大敗謙單舸奔道規
追斬之通鑑

梁

承聖二年武陵王擁衆一萬內外駭懼王僧辨旋於江

陵因被詔會衆軍西討督舟師二萬輿駕出天居寺

餞行俄而武陵敗績僧辨自枝江班師於江陵

節錄梁書

王僧辨傳增

唐

枝江縣志

卷之七

賦役志下

三

武德四年夔州總管趙郡王孝恭率十二總管兵以討

蕭銑十月乙巳孝恭敗銑於荊州執之

唐書高祖紀

趙郡

王孝恭帥戰艦二千餘艘東下蕭銑以江水方漲殊

不爲備孝恭等拔其荆門宜都二鎮進至夷陵銑將

文士宏將精兵數萬屯清江癸巳孝恭擊走之追奔

至百里洲士宏收兵復戰又敗之

節錄通鑑增

宋

紹興四年八月湖賊夏誠等犯枝江縣解潛遣將蔣定

舟與戰敗之

宋史高宗本紀增

端平三年大元兵攻蘄州孟琪遣兵解其圍又攻襄陽
隋守荆門守郢守皆委郡去江陵危急詔沿江淮西
遣援衆謂無踰琪者乃先遣張順渡江琪以全師繼
之元兵分兩路一攻復州一在枝江監利縣編筏窺
江琪變易旌旗服色循環往來夜則列炬照江數十
里相接又遣外弟趙武等共戰躬往節度破砦二十
有四還民二萬節錄宋史孟琪傳增

賈似道傳理宗崩度宗又其所立每朝必答拜稱之曰
師臣而不名理宗既葬即棄官去使呂文德偽報元

枝江縣志 卷之七 賦役志下 兵攻下沱注下沱市名南郡枝江地急朝中大駭帝手詔起之時

宋界西北襄陽為極邊去此不遠故偽報元兵攻下

沱也宋史

元

至正十二年湖廣既陷四川參政野峻台與平章咬住
同討賊咬住軍五千人乃分銳卒八百使將之為前
驅攻克巴東時歸峽等州皆為賊守野峻台破賊江
上斬溺無算已而歸峻平進拔枝江松滋乘勢趨江

陵節錄元史類編野峻台傳增

明

崇禎七年甲戌四月流賊張獻忠至董市焚殺甚慘九年丙子張獻忠又至焚掠一空十六年癸未偽鎮荊將軍任守約差人招安枝江三月初十日夷陵賊將張君用入枝江又有山賊王雲鵬假闖賊偽號盤踞後山民受荼毒

國朝

順治元年甲申二月張獻忠為左良玉所追擁衆入蜀路過枝江大肆焚掠

枝江縣志

卷之七

賦役志下

五

二年乙酉春大江南北奸民暮夜劫殺有王士誠自稱撫枝者誅首惡三十六人始安究不知士誠何官也九月流賊一隻虎自成姪李過眇一目故號一隻虎駐劄草坪縱兵焚殺枝江南北幾無噍類

五年戊子秋賊首一隻虎遁入川道經枝江焚劫之慘倍於前

七年庚寅冬李自成既死於通城而其從孫李來亨餘黨劉二虎等自廣西遁入興山殺掠枝民十室九空逆賊帥賀珍黨守素劉二虎郝搖旗等又各自為主

不相統屬號十三家出入巴渠巫施間而興山縣之茅蘆山其巢窟也故總謂之西山寇云

八年辛卯賊首王進才殺掠江南一帶枝民渡江逃命至十四年始歸本籍知縣曲允斌申請蠲免積逋民乃定

康熙元年壬寅冬大兵征勦西山三年甲辰八月初五日西山劇賊李來亨授首諸賊悉平

十二年癸丑十二月吳三桂反於雲南十四年十月賊兵畧地枝江縣令張其行望風迎降縣治及江南洲

枝江縣志

卷之七

賦役志下

六

地悉爲僞官所據沿江設兵五里一營僞總兵劉之福黃執功駐扎枝江設中左右營弁俱守備職銜自稱本府城內外設立甲長晝夜循環守衛子亥時互相交卸三桂駐松滋黃龍山嘗至枝江羊角洲留連久之曰吾在雲南便知此洲不圖今得到此賊每戰必驅象爲前列有獨牙象最猛賊至南岸欲驅之過河象不肯行十七年戊午春三桂死於衡州十八年正月我師自岳州進兵賊將大敗沿江諸賊於四月十八日黎明各竄去江南人民相慶更生枝江之陷

賊者凡五年時爲吳逆僞官者知縣鄭居廣四川叙州府富順縣舉人其知府馮承書訓導張遇生典史闕里文將軍楊寶印總兵劉之福黃執功等履歷俱無考

乾隆末有爲白蓮教者竄入荆襄布造妖言愚民被煽惑者不可億計宜邑溫家窰連三坡與枝接壤習教者陰謀不軌枝民白於官逆衆懼捕於嘉慶元年正月初七日夜放火倡亂宜屬陽津阪賊首聶傑人長陽縣賊首張正謨等聞風響應嘯聚數萬人盤踞灌

枝江縣志

卷之七

賦役志下

十七

灣腦山谷中燒殺擄掠民罹其害甚劇逼居民張發瑤李國治入夥不從全家遇害先是知縣楊于果蒞長陽勾當公事邑紳耆周代暄周代暄楊伸周恂周悅熊銘楊澤溥袁宗德覃大剛等率衆登陴且諷典史趙珍申文請援適撫軍惠公齡攝將軍篆駐荊州聞變帥滿兵二百名至枝於西關外設營拒守正月二十四日督師進勦宜昌鎮總兵曾攀桂衛昌營守備王舉鼎歿於陣緣是賊勢愈熾三月制軍畢公沅奉

命督師宣布

朝廷威德賊感怖逆首聶傑人向堯明面縛投誠總兵
富志那帶兵收寨張正謨諸賊反覆不常乃閉關拒
敵地雷火彈齊發傷官兵二千有奇帶兵官僅以身
免賊益肆猖獗蹂躪深冲口蕭家隘地方無虛日夏
五月滿漢兵雲集及四鄉義勇屯各隘口遏賊出沒
賊始困邑生孟宇甯邑民李守桂偵知賊巢虛實誘
之降賊不設備官兵乘夜進攻逆賊張正謨劉洪鐸
就擒斬首無算副賊龔勝祖率千餘人奔宜都涼山
枝江縣志

卷之七

賊役志下

六

撫軍惠復移師勦之冬十月賊平

咸豐四年四月紅巾賊黨由江陵龍會橋戰敗奔竄當
陽界襲宜昌城居之僞稱三王子有衆八千欲入蜀
不果卽下宜都至枝江聞鄉勇四起乃踰松滋入湖
南時湘鄉相國曾公國藩起師復武昌遇於岳陽邀
擊之盡殲

七年正月襄陽餘賊由鄖陽潛入興山界時知縣蜀人
李光榮率部衆歸蜀至宜昌其屬鼓譟遂與賊合光
榮遇害賊聞洋溪圍練大集循江北岸將揚帆東下

董紳閻敦五張志緒時秉誠詣縣請防衛前縣張以請兵無及乃命敦五等籌費七百緡趣召軍功藍翎守備銜曹立全募勇禦之賊至白洋耽視下游立全以勇單又添募九百人甫營於董之金盆山賊騎猝至立全率勇與戰殪馬賊三人賊知有備遂折竄東北趨當陽油溪河等處所過焚掠董市以下幸無虞友蟬氏曰丹陽故國荆尸環衛重矣春秋以降地爲郡邑故歷代兵制無考惟前明置所以備猗蠻千戶百戶其法較詳

枝江縣志

卷之七

賦役志下

十九

國朝改土歸流裁革弁兵設守城把總及巡江千總所領數十人而已曩歲紅巾煽亂由夔陵下夷道遂至於斯城中之民惴惴不自保非衆志之不堅實捍禦之無藉也久安備弛一旦有警欲以寡弱之徒敵方張之寇雖有智勇不能爲之謀有畫策者曰風鶴方驚邑兵不足恃徵調又不及是非募勇不可顧倉卒之際餽餉無資戈鋌不具且蚩蚩者安於畎畝衣食憚撻鋒刃令甲未申望風遁矣孰肯就募其應募者率皆市井無賴日事斂攘以飽橐囊折衝奚賴焉邱

仲深有言成周之制兵民合一有事驅之行伍無事歸之田里無召募之煩無廩給之費無屯戍之勞制軍之道莫善於此嗚呼此卽唐之府兵所由倣而今之團練所由祖也夫團練何以立保甲盡之矣十家爲牌十牌爲甲十家爲保合之以爲團練保領甲甲領牌牌領戶皆於農隙講武以備不虞於是由一團以至數十團數百團千萬團合天下州郡皆聯爲一體豕突何由而人豺豕之未靖於內者其又何地自容乎周官什伍之法合萬民而用之以比追胥以起

枝江縣志

卷之七

賦役志下

三

軍旅者蓋不外此枝地僅數百里枝民猶數十萬耨之侶皆刺擊之徒也然非豫之於平時豈能用之於急難前車有鑒古法可遵是在深慮者防於未然焉